

日九十二月二年三十國民

刊旬學大北華京北

期七十一第

本校旬刊編輯略例

- 一、本刊為本校職教員暨學生共同研究學術、自由發表思想、及記載本校新聞之機關。
- 二、本刊宗旨在研究學術、宣布校務、如論說、批評、研究、譯述、講演、詩詞、戲劇、小說、遊記等欄、屬於前者。布告、啓事、通知、函牘、會議之議決案等欄、屬於後者。
- 三、本刊每期欄目、視材料之多寡、臨時酌定。

本刊啓事

- 一、本刊出版伊始、疵謬殊多。深望國內外學者時賜教言、匡其不逮。
- 二、本刊既為本校職教員暨學生共同研究學術、自由發表思想、及記載本校新聞之機關。校中同人、如有關於學術上之稿件、無論何種體裁、均所歡迎。校外學者、如對於本校有所指教、亦表歡迎。茲將投稿規則列左。

投稿規則

- 一、來稿之範圍、以合於本刊宗旨者為限。駢文、及無內容之文字、概不登錄。
- 二、本校校董理事、職員、及同學投稿。均須註明真姓名。校外寄來稿件、除署真姓名外、並須註明通訊地址。
- 三、來稿須用楷書清繕。用新標點句讀符號。(特別名詞符號置於字之左邊)。每段第一行低一格。騰寫。稿未註明大約字數。
- 四、來稿除本校校董理事、職員、所投之稿、苟不違背本刊宗旨者。本校負登載之義務外。其餘稿件之登載、與否、本刊有審定權。凡關於此類質問之函件、恕不作覆。
- 五、投稿人如欲索還原稿、須先行聲明。但經本刊已登載之稿、則即以該刊奉酬、不再檢還原稿。
- 六、來稿請寄本校旬刊處。

第 十 七 期 目 次

● 論 著 養 老 年 金 制 度

吳 貫 因

● 春 游 西 郊 夜 宿 天 台 山

吳 貫 因

登 暢 觀 樓

吳 貫 因

重 陽 游 翠 微 山 宿 大 悲 寺

吳 貫 因

清 明 偕 勵 寄 洲 杜 守 素 游 碧 雲 寺 及 香 山 靜 宜 園 寄 洲 成 七 古 一 篇 見 示 因 步 其 韻

吳 貫 因

● 講 演

王 孟 羣 生 先 演 講 歐 戰 之 原 因 及 戰 後 政 治 之 趨 勢

● 布 告

● 啟 事

● 函 牘

論著

論養老年金制度

吳貫因

養老年金制度，講慈善事業者，每盛稱之。不知外國之有養老年金，乃人類一種之新權利，與慈善事業，其根本固大異也。欲明此制度之由來，請爲述其梗概：

養老年金，肇自英國。其創此制之目的，乃以酬社會有功之人，非以恤社會無告之人也。蓋人之生也，自非游手好閒，無論操何職業，皆有恩澤被於社會。例如農夫耕稼，女子蠶繅，由主觀言之，彼固爲自謀生活之計。然農有餘粟，社會因以得食。女有餘布，社會因以得衣。其耕稼蠶繅，直接爲自身謀生活，間接即爲社會謀福利。耕織如是，其他事業，則亦有然。蓋社會成立之根本，在於通功易事。吾人一生所用之物品，多或千百種，少亦數十種而已所能造者，不過一二；或並一二而無之。其得享受此數十種或千百種之物品，皆他人所供給也。在供給此等物品者，其初本爲自利計；而能各以其所生產之物，分給人，使人人遍受其利，對於社會，即爲有功。夫有功於社會者，社會必有以酬之。蓋農

報功，古今通義。人當壯盛之時，既能為社會造福利，則當衰老之時，自得受社會之食報；此非其過分之要求，實其應享之權利也。

養老年金制之興也，即使國家對於國民，此種權利，於法律上承認之。英國之創此制，始於一九〇八年。其制度之大要，即凡人達七十歲以上，有向國家要求一定年金之權利。其有此項資格者，限於歲收入不滿三十一磅十喜林之人；以生活費苟豐，即無須給以年金也。大凡贈恤事業，在施者視為慈善之行爲，在受者處於卑屈之地位；故嗟來之食，勇者不屑，以丈夫不受人憐也。若養老年金，在受者視為應享之報酬，初非乞憐於社會；故近世人類之權利思想，緣此制之興，而開一新紀元。蓋此種權利，實二十世紀之新產物也。

今日經濟最大之問題，實為分配問題；分配云者，非獨當注意於空間之分配，又當注意於時間之分配。何謂空間之分配：如同經營一產業，而勞動家僅需微利，資本家坐享奇贏利益偏枯，必當謀矯其弊，斯即空間之分配也。何謂時間之分配：如既著勞績於壯年者，應享食報於晚年，此種權利，社會必當承認，斯即時間之分配也。養老年金，實為時間上一

種經濟分配之方法。昔能利於社會者，今則還受社會之利。報施之道，寓於其中，調劑之策，亦寓於其中；故此種制度，不獨爲國法上權利之問題，亦爲經濟上分配之問題也。是故養老年金，由經濟方面觀察之，又爲社會政策之一種。我故述其岸略，以爲研究權利問題者告，兼爲留心社會問題者告也。

●詩

春游西郊夜宿天台山

吳貫因

路溯橋東到水西，平蕪十里草低迷，游人笑問春何在，半在青山半在谿，
樹怯輕寒綠未陰，荒山策蹇獨登臨，探春十里無消息，過嶺桃花忽滿林，
風送花香入院清，銀河無語夜三更，一溪涼月一壺酒，斜倚欄杆醉到明

登暢觀樓

扶醉登樓送落暉，平蕪遠望色低微，花飛院北春無語，船繫橋西人未歸，楊柳鎖煙青欲滴，
莓苔濕兩綠添肥，生平萬事東流水，只有賈山頭未違。

重陽游翠微山宿大悲寺 辛酉

玉露驚寒草未枯，登高聊且插茱萸，半林黃葉九秋景，十里青山一畫圖，落日峯前霞結綺，飛泉石上水成珠，美人猶是驚遲暮，醉臥滄江酒一壺，

清明偕勵寄洲杜守素游碧雲寺及香山靜宜園寄洲成七古一篇見示因步其韻

踏遍九州無樂土，剩將餘生寄何處，風塵半世感飄蓬，晨星落落誰爲伍，眼看長安似奕棋，入耳無非傷心語，枝上啼鶯忽叫春，似報湖山未有主，寫憂只合駕出游，芒鞋竹杖訪梵宇，杜陵詞客亦哀時，約入名山禮斗姥，倜儻風流勵寄洲，騷壇人物原有數，游踪合作三人行，剛逢佳節是植樹，志在高山流水間，何暇馳情墨與楮，駕輕就熟抵山門，寧須問道於盲瞽，蕭寺逢僧話生平，忍說斯人非我與，碧雲寺外即香山，此道原非長且阻，薊門風景異南朝，不見樓台鎖煙雨，山上觸目忽驚心，紛紛菟裘營別墅，名山只合住幽人，忍看豪強建基礎，武夫估客一齊來，寧有隙地可停佇，林泉煊染富貴氣，俗塵撲鼻何以禦，漫言漱石與枕流，安得巢由作伴侶，忽悟浮生大夢耳，往古來今皆逆旅，枯骨寧非桀與堯，枉

講 演

六

教彭殤將齒序，人生及時須行樂，幾見知交散復聚，舞雩風罷詠而歸，欲譜新聲入樂府，百代興亡一奕棋，悵望千秋空弔古，尋得桃源俟太平，酩酊且飲中山醕，芙蓉坪畔停游駘，山色四圍日薄暮，水流花謝兩無言，只教柳絮隨風舞，醉抱明月挹清風，人生百年能幾許，吁嗟乎人生百年能幾許，回首功名塵與土，黃梁夢醒萬念灰，手版腰纏皆數罟，名利場中蟻附羶，那有雲龍與風虎，歸來密雲布滿天，疑是蒼蒼赫斯怒，自悔入山志未堅，又向塵寰覓煩苦，何時懺除五陰六賊與一切喜怒哀樂之機緣，逃向西山老農請學圃，

●講演

歐戰之原因及戰後政治之趨勢

王孟羣先生演講

大學預科二年級學生

吳文範

王紹年

張澤雄 筆記

石 瀛

本校創辦以來，迄今已屆一年，余自去歲被舉為主任，未幾即作國外之遊，比一年中

，未獲與諸君時常相晤，殊爲恨事。然綜計旅歐所得，足爲諸君聞見之助者，不尠，故藉今日略作報告，至於詳細情形，因途中患病，至今猶覺疲乏，不及徧舉，來日方長，彼此研究之時正多，留爲後來討論之資可也。

十五年前，余曾遊歐，及此次再往，覺現在歐洲之狀況，與疇昔竟大相逕庭，蓋前此爲全盛時代，今則受大戰之影響，頓呈異象，是則大戰之流毒，誠不可思議，而爲吾人必須注意之事矣。近年以來，幾無人不知歐戰二字，第此名未爲恰當，此次之戰，並非獨在歐洲一部分，實蔓延於全世界。諸君試觀五大洲中，除美澳二洲，未曾直接爲戰場外，其餘三洲，孰不捲入戰爭漩渦？但美澳二洲，雖未受戰時槍林彈雨之驚恐，而製造軍械，供給金錢，接濟糧粒，遣調人丁，在在受大戰之牽動，故此次大戰，非歐洲所僅見，實世界所共有！

此劇烈之大戰，已告終止，五年於茲矣，似大劫已過，無須更觸觸過慮；然政學工商各界，其腦海中，皆未能一日忘「歐戰」二字，且一言及之，無不若重有隱憂者，是屬何

第 十 七 期

故；此實一大可研究之問題。余即本此疑點，進而求解，幾經觀察，加以詳細之思考，遂稍有所得，今縷述如下：

歐戰因何發生，歐人因何甘犧牲生命金錢而不惜，以舉此大戰；是必有一必需的，不可避免的，原因在，此原因為何？據政客所言，報紙所載，無不以此次戰爭之原因，爲爭「自由」「平等」，與解決「強權」「公理」而起，驟聞之，似亦有理，細按之，實則時人之口頭禪，報紙鼓動人心之欺世語，殆非真理，何以言之？歷考中外史乘，果何者爲「公理」？何者爲「強權」？又何者爲「自由」「平等」？不過弱肉強食，互相紛爭而已。歐戰以後，「公理」果勝「強權」？否「自由」「平等」果已獲得否？權力所在，即「公理」所在？有其一，不憂其二；「公理」「強權」其不分久矣！故是說不能成立，其原因蓋別有所在，以余之觀察度之，有下列之二大原因：

百年前，拿破崙欲吞併全歐之際，普魯士受禍最深，拿氏更定一苛酷之條約，每年只准其練常備兵一萬。普國雖小，民氣頗堅，又有名譽之歷史，當然不受其凌壓，而思有以

報復。於是國內名將共籌一策，以謀漸次發展其軍備。表面雖遵守條約，每年只練該額數之兵；實則練成後，即行另募；由是周轉，幾於舉國皆軍。加以內修政教；外聯強鄰一舉而仆拿氏。是時朝野上下，咸謂設非全國一致，則不能得戰勝之效果，心齊則誠力聚則堅欲與異國異種抗非強吾種族，不足以致勝，純「國民主義」即「愛國愛種主義」，「實肇於此。其要旨專在強我族，衛我國，一進而排斥異族仇視他國此種『非我族類，其心必異』之見，創於普國，漸及全歐。各謀擴張其勢力，以為競爭之準備，且不止種族國家而已，舉凡文化語言宗教等等，無不存有『入主出奴』之見。排外自尊，不遺餘力，此為大戰不得不發生之第一原因。

歐洲百年以來，物質之進化。太速，近來無事不藉機器之力，替代人工，人工愈省，出品愈富。昔日數十萬人所能造之物品，今以數萬人即可成之，其於出品之多，且速，非可言喻。出品既多，國內需要已經滿足，則亟圖國外貿易以為消售之方。故其於推銷貨物也：對外則謀通商地址之廣闊；對內則謀製造工藝之改良；以此之故，與他國勢不能不有所

爭，是即工商競爭之結果，爲大戰不得不發生之第二原因。

第 十 七 期

歐戰歷四年有半，較之歷史上「七年」及「三十年」之戰，固似短促，然以波及之地域，死傷之人數，消耗之物品，浪費之金錢，言之；則可謂爲亘古所未有。故人民之罹害也實深且至。現雖停止，而痛定思痛，甚恐其再見；但不於其一大原因着手爲消彌之計，則亦難得良好之效果。美總統威爾遜，出任調人，提出十四條之議，亦嘗計及此種原因之利害，思有以去之。故其條約中；一則主張受人虐待之種族國家，應得恢復自由；再則主張經濟開放，於商工平等，語言文化，宗教等啓爭之端，亦全體免除。威爾遜氏，本一學者，以學者眼光，觀察世界狀況，於其原因，瞭如指掌，欲用學理拯之，消滅其一大原因，以新永久和平；但舉世昏昏，惟勢力是驚，孰能覺悟！卒之威爾遜氏之說，竟一無效果，未始不歎其意則是，而推行無人也！

歐戰告終，人或以爲從此可以無事。其實歐洲近五年狀況，較之戰時，有異否乎？其紊亂急迫之現象，仍如昔時。蓋條約雖定，而善後辦法則無。舍本逐末，勢不至此不止，

息戰以來，彼此爭雄之心，未能稍減，經濟何能公開？其最要重原因，既未消滅，反而增加障礙，以撓擾之。人類之不幸，至此極矣！

各方面之情形，姑置不論，財政一事，已感支絀之苦。大戰中死亡人數，德法二國，約在三百五十萬人左右。平均死亡一人，傷殘三人，以此計之，則殘廢之人，三倍於死者，德法二國如是，他國亦可推想而知。歐洲對待戰傷殘廢之人，例給瞻養，則供給數千萬，嗷嗷待哺之傷兵，其費不貲。戰爭品窮極工巧，潛艇彈藥，消耗無算，其數目遠出吾人記憶力之外，所費又極衆多。一國之中，縱有積蓄，如此用之，不能無匱乏之虞。於是肆其羅掘之術，遂舉募國債。交戰各國，負債之重，不待贅述，此種國債，雖還本可遲，勢不能不如期付息，此項鉅款，在戰後空虛之國家，又從何而出？不得不增加賦稅，此所謂「取之於民，付之與民」，鋒鏑之餘，元氣未復，人民受此剝奪，生活凋敝，不言可知，百物騰貴，亦意中事，故歐洲各國，現在無日不興生活程度，繼長增高之歎。一般學者，轉舍大戰過之陳迹，不事討論；而究心日用暴貴之措置；此誠當務之急，其注意甚切，亦不

爲無見。此爲歐洲無論勝國敗國同有之困難。

威爾遜因「國民主義」，構成大戰。遂主張各民族獨立，以爲國勢平等，商業公開，從此可享和平之福。不知結果適得其反。其先歐洲政爭之導火線，僅巴爾幹，現在更甚。如波蘭等，受人壓制已久，國家觀念頗弱，政治經驗亦鮮，藉強國提挈，率爾立國，時而向此，時而向彼，是歐洲又增一巴爾幹；政治上又增一導火線。政治之爭，日益繁多，非世界之福，可斷言也。

戰敗國之人民，有謂「君主政體」，易生野心，而致人民受害，非革命共和，不能收改弦易轍之效。歐洲各國人民，學識之平均程度，視我國較高；留心政治者，尤爲不少。我國人有學識者，約計不過百分之二十；其與政治有關係者，不過百分之十，歐洲各國，有學識者，約占百分之四十；其研究政治之心，亦甚發達；工農人等，政治之知識與熱忱，更可驚異；故隸政黨者極衆。其間主張民主者，約占全體四分之三。大半學識較差者，受自由平等共和大同諸泛論之影響。而爲人所利用，主張君主者，以爲世人所好，不外一

名「利」。自羅馬時代，以逮晚近，莫不如此，「民主政體」重「利」。「君主政體」重「名」。在君主時代，以虛榮可以了之者，民主時代，非以若干金錢不可。若以「利」動人，而不用「名」則「道德」淪落，人心不古。美國較爲重「利」，幸其地大物博，尙足供其慾望；苟使小國當之，其危險可勝言哉？歐洲國度，恒等於我國一省之地，以一省之地，對內對外，均以「利」動人，以「利」行事，其出產之疲于供給，何堪設想哉？故重「名」較優。二派議論紛紜，莫衷一是；但主張「民主」者，人類較多，革命勃起，不可稍退，「君主主義」，就歐洲現狀論之，非其時也。

政治上，更有二大爭執。一爲主張以武力統一者，意相白尼，即提倡是說之一人。西班牙等，亦翕然宗之，對內對外，主張純用「武力解決」。一爲過激派，（此爲反對者所加輕侮之名，並不確當，照其原意，應稱多數黨），與自蘇俄，其起原，則以政治宗教以及資本之專制，少數之人藉其力而壓迫多數。又以資本夥，則野心生，而能構成戰端，資本實不啻戰事之淵源；但資本爲經濟要素，不可廢棄，期其可以平均，不爲一二人所利用，

則爭端可除。第主義雖正，黨人雖多，而實行之効，頗不足令人滿意者。皆因凡人皆有「私慾」，不能免除，從事大同，談何容易？即舉行此說者，已自蹈不躓，予人口實，尙何推行之足言？故大同之說，甚難實現，俄國學者，近已捐棄其學說之一部，可見亦不能自圓其說。余在歐對此問題，頗加研究，後又同俄人士交往，得知過激派之真象，皆以爲「慾望」「私心」不能解脫，難於收效，綜言之，「大同主義」，其宗旨本無訾議之點。不過今人尙未能達實行之程度耳。

期 七 十 第

前述歐戰二大原因，是戰後思想界所發見，「大同主義」之根本精神，實欲消滅此二種原因，現在政學方面，均作是想，將來「大同主義」能否實現，尙難預言；不過歐洲近時「國民」「資本」種種主義，方日進無疆；比之戰前，有加無已；世界大戰，必將復起，無庸諱言；其劇烈亦必較之前者更甚。

二次大戰之說，雖可駭異，其實徵之歐洲近况，則必以爲係當然之結果。此次歐戰之勝利，完全係「資本」作用。戰時美國之偏袒何方，舉足重輕，竟操左右世界之權，即可

見「資本」之裨益戰爭，實非淺鮮。美國之助協約國者，不過爲「資本」問題。協約國皆負其重債，若不獲勝，則幾無償還之望。故美之助之者，亦「資本」之力，使之然也。德國以一國敵數國，轉戰數年之久，其軍力不可謂不强。窮途末路，不過受經濟之窘，一蹶不振，實則德國於軍事上，並未嘗挫敗，所敗者，惟「經濟」一端。由是歐洲各國，皆以爲「資本萬能」，崇拜之，提倡之，唯恐不力，「資本主義」，蒸蒸日上，世界事業，遂不可復問，欲無二次之戰得乎？

「資本」既戰勝，各國抱此主義，以圖富國強兵者，比比皆是。法國近佔領德國地域，使其工商停止，以妨害德國經濟發展，恐其復仇，此種思想，幾成普通知識；無論勝國敗國，莫不一致，法比之佔領德國境地也。除停止工廠外，又沒收其紙幣。英美又恐法比之得此橫財，發展其經濟，於是力抑馬克，至於極低價格，且能拒絕交易。故馬克之跌落，並非獨因國內情形。實英美對法比之一種政策。英法之間，其不能融洽之現象，已可見一斑。英法各有野心，各存嫉視，不過英一島國，陸軍軍備，與法爲一與四之比例；且英之飛

機不足千架；法則幾及四千架之多；勢力不等。一時不致發難耳。英國現在聯美聯德，以抵制法國，似此離奇之現象，何一非受「經濟」之影響耶？各國對德，多索賠款。雖以毀壞城池，死亡人丁爲詞，實則均存一「不許德國經濟上活動，以免再起」之意。由此言之，大戰二大原因，並未除去，「資本主義」又有進無退。若此，則大戰再發之機，一觸必發，余可斷言歐洲不能和平，世界亦不能和平。

布告

本校布告（十一月二十九日）

十二月一日（本星期六）下午二時本校敦請

梁任公先生來校講演講題爲「顏習齋與現代思潮」諸生屆時一律在第一教室聽講此布

本校布告（十二月一日）

本校現由校董理事聯席會公選校董恩詠春先生爲聯席會主席在蔡校長未回國以前代行校長職權此布

本校布告（十二月十二日）

本月十五日（本星期六）下午二時本校敦請

馬寅初先生來校講演講題爲『公庫發行制與集中發行制之比較』諸生屆時一律在第一教室聽講此布（十二月十二日）

校長布告（十二月二日）

大學預科一年級生黨慶荃董紹仲夏平治駱玉生附設初級中學生朱志超請假曠課已逾本學期授課總時數三分之一應即照章令其休學此布

校長布告（十二月十二日）

大學預科一年級生程淮不守教室規則應記小過一次以示懲戒此布

校長布告（十二月十七日）

本校簡章本屆校董理事聯席會多所修正在本校旬刊第十六期公布即日施行應各注意爲要此布（十二月十七日）

布 告

布告

校長批示（十二月二十二日）

據大學預科一年級休學生羅元駿聲請腦病休學乞批准明年秋季仍入二年級肄業等情前來查該生上學年未考補習英文一科法學通論分數亦不及格本學年開學後經由教務處布告如有不遵校章尅日到校補試者即予一概降級以重學業而肅校規等語在案該生既未遵章到校補試下學年復學時自應受降級之處分所請碍難照准此批

校長布告（十二月二十八日）

本校定自十二月三十一日至明年一月二日止年假休業三天一月三日（星期四）起照常授課此布

大學預科二年級主蔣尊容請假曠課已逾本學期授課時間三分之一照章應令休學一年此布

大學預科一年級生屈晦均函請退學應照准此布

銀行專修科定於明年一月十日停課十四日起舉行畢業試驗其各學科考試時間表俟後宣布該科學生務須先時溫習此布

校長布告（一月十九日）

銀行專修科生許世章畢業試驗有三學科分數不及丙等應於下星期五六兩日來校聽候補試此
布

校長布告（一月二十日）

本大學附設銀行專修科畢業考試已於本月十八日完竣合將及格諸生姓名等第開列於左

甲等二名

陳齊綱

八六、五

袁臥治

八三、二

乙等十名

蔡振華

七九、一

徐世清

七六、

沈鐵珊

七四、四

布 告

十九

第 十 七 期

于靖	屈彥欽	張景風	趙嘉賓	劉令璿	杜錫賓	劉之麟	丙等七名	劉榮祥	馬鼎	王寶濂	楊思康
七二、八	七二、八	七二、四	七二、	七〇、九	七〇、九	七〇、三		六八、九	六八、五	六八、五	六七、八

布告

聶國粹

六四、九

王宗澄

六四、二

羅明俊

六三、一

校長布告 一月二十日

本校定自本月二十一日起至二月十八日止寒假休業此布

初級中學定於本月二十六日起二月十八日止寒假休業此布

校長布告 (一月二十日)

下學期大預初中各班一律定於二月十九日(星期二)開學諸生務於三日前到校繳費切勿耽延此布

校長布告 (一月二十八日)

銀行專修科生許世章補考不及格之學科業已完竣查核成績尚能及格應准畢業此布

校長布告 (二月十五日)

布告

布 告

總務處主任姜紹祖業准辭職現請馮農先生爲總務處主任此布

校長布告（二月十五日）

教務處主任陳慶麒業准辭職現請吳貫因先生爲教務處主任此布

校長布告（二月十八日）

茲請姜紹祖先生爲總務處副主任陳慶麒先生爲教務處副主任此布

校長布告（二月十九日）

施教員業已辭職現請金魯詹先生擔任經濟通論及社會學教授此布

校長布告（二月二十二日）

大學預科一年級文論集要教員現聘熊公哲先生擔任此布

校長布告（二月二十二日）

西洋近百年史現聘臧啟芳先生擔任此布

校長布告（二月二十五日）

大學預科二年級模範文羅教員業已辭職茲請孫蜀丞先生擔任教授此布

校長布告（二月二十五日）

大學預科一年級英文教員現請黃達修先生擔任此布

校長布告（二月二十五日）

大學預科一年級德文李教員業已辭職茲請馮稷家先生擔任此布

●啟事

募集基金委員會啟事

茲承本校教員

楊星川先生經募本校基金貳百零拾圓當即送交基金監保存除照紀念方法辦理外謹此鳴謝並將各捐款人姓名開列如左

計開

楊朗川先生

拾圓

啟事

第 十 七 期

啟 事

張質卿先生

貳拾圓

魏濬泉先生

貳拾圓

孫麗生先生

拾圓

天津直隸銀行

拾圓

天津鹽業銀行

拾圓

天津中南銀行

拾圓

天津東三省銀行

拾圓

天津聚興誠銀行

拾圓

天津浙江興業銀行

拾圓

天津北洋保商銀行

拾圓

天津大陸銀行

拾圓

天津懋業銀行

拾圓

天津中孚銀行

拾圓

天津勸業銀行

拾圓

天津新華儲蓄銀行

拾圓

天津交通銀行

拾圓

天津蒙藏銀行

拾圓

天津東陸銀行

拾圓

楊星川

拾圓

圖書室啟事

本室新購書籍開列如左

易略例

易大義

易林

易傳

讀書敏求記

遂初堂書目

啟 事

第 十 七 期

尙書註考	讀詩拙言
四書逸箋	一切經音義
古詩輯要	史記短長說
順宗實錄	詩傳
詩說	韓詩外傳
詩草木虫魚疏	大戴禮記
春秋繁露	白虎通
獨斷	忠經
孝傳	穆天子傳
越絕書	吳越春秋
西京雜記	漢武內傳
飛燕外傳	雜志秘辛

華陽國志

元經

英雄記

蓮社高賢傳

九國志

庚申外史

洛陽名園記

高僧傳

汲冢周書

方言

釋名

十六國春秋

羣輔錄

高士傳

神仙傳

靖康傳信錄

二十一史感應錄

廣名將傳

三墳書

小爾雅

博雅

竹書紀年

以上皆木版

啟事

●函牘

致學生家長函

逕啓者學生在校時凡教授與訓練皆應由校中負其責任至於離校歸家則勉勵告誡分屬家庭故兩方聯絡宜有機會頃奉上本校課程表一紙即希 檢閱此後並擬於每月之杪報告學生上課及缺席時數以資考察本校於此蓋欲

貴家長之於子弟得熟諳其在校肄習之詳情而本校教授訓練之方針亦較有把握庶幾學行尙於勤篤校風日臻優良區區之意幸

鑒察焉專此祇頌 公綏

致各教員函

逕啓者本校歷來各項考試絕不向學生宣示試題範圍以憑審核學生之真確成績實有鑒於近來學風學生多視各種試驗爲虛文非澈底改革不足以挽救積習敢請先生於所擔任之學科如遇學生有上項請求情事務予嚴辭拒絕是爲至幸 執事熱心教育諒荷贊同也特此函達敬惟

亮鑒不宣



版 所

有 權

編
輯
者

北京西四牌樓馬市
華北大學旬刊處
電話西局二千八百五十號

發
行
者

北京西四牌樓馬市
華北大學
電話西局二千八百五十號

印
刷
者

宣武門外姚家井
京師第一監獄
電話南局九百五十七號

每份銅元三枚